

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

RJEŠENJE

**Po Zahtjevu za pokretanje postupka gospodarskog subjekta UNIS"ENERGETIKA"d.o.o
Sarajevo**

**Sarajevo
lipanj, 2010. godine**



Broj: 01-03-26-040- 42-II/09
Sarajevo: 22.06.2010. godine

Na temelju članka 42. točka g), a u svezi sa člankom 10. stavka (2) točka a) i c) Zakona o konkurencij («Službeni glasnik BiH», br. 48/05 , 76/07 i 80/09), i člankom 105. Zakona o upravnom postupku („Službeni glasnik BiH“, br. 29/02, 12/04 i 88/07) u postupku pokrenutom na temelju Zahtjeva za pokretanje postupka utvrđivanja zlouporabe vladajućeg položaja podnesenog od gospodarskog subjekta UNIS «ENERGETIKA» d.o.o Sarajevo, Zmaja od Bosne 14, 71 000 Sarajevo, Bosna i Hercegovina , zastupanog po odvjetniku Začiragić Feđadu, Đoke Mazalića do broja 2, 71 000 Sarajevo, Bosan i Hercegovina , protiv gospodarskog subjekta „Sarajevogas» d.o.o. Sarajevo, Muhameda ef. Pandže 4, 71 000 Sarajevo, Bosna i Hercegovina, Konkurencijsko vijeće, na 107. (stosedmoj) sjednici održanoj dana 22.06.2010. godine, je donijelo

R J E Š E N j E

1. Odbija se Zahtjev gospodarskog subjekta UNIS «ENERGETIKA» d.o.o Sarajevo, Zmaja od Bosne 14, 71000 Sarajevo za utvrđivanje zlouporabe vladajućeg položaja gospodarskog subjekta „Sarajevogas» d.o.o Sarajevo, Muhameda ef. Pandže 4, 71000 Sarajevo, iz člana 10. stav a) i c) Zakona o konkurenciji, kao neosnovan.
2. Odbija se zahtjev gospodarskog subjekta UNIS «ENERGETIKA» d.o.o Sarajevo za naknadu troškova ovog postupka, kao neosnovan.
3. Ovo Rješenje je konačno i biće objavljeno u «Službenom glasniku BiH», službenim glanicima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće je dana 30.10.2009. godine, u smislu članka 28. Zakona o konkurenciji (u daljnjem tekstu: Zakon), zaprimilo pod brojem: 01-03-26-040-II/09 Zahtjev za pokretanje postupka gospodarskog subjekta UNIS «ENERGETIKA» d.o.o Sarajevo, Zmaja od Bosne 14, 71 000 Sarajevo, Bosna i Hercegovina,(u daljnjem tekstu: Podnositelj zahtjeva ili UNIS «ENERGETIKA»), podnesen po punomoćniku odvjetniku Začiragić Feđadu, Đoke Mazalića do broja 2, 71 000 Sarajevo, Bosan i Hercegovina, u kojem se traži od Konkurncijskog vijeća da pokrene postupak protiv gospodarskog subjekta «Sarajevogas» d.o.o Sarajevo, Muhameda ef. Pandže 4, 71 000 Sarajevo, Bosna i Hercegovina (u daljnjem tekstu: »Sarajevogas»), zbog utvrđivanja zlouporabe vladajućeg položaja iz članka 10. stavka (2). točka a) i c) Zakona.

Budući da je Zahtjev bio nepotpun i nejasan u dijelu koji se odnosi na povrede propisa o zaštiti tržišne konkurencije, odnosno zlouporabe vladajućeg položaja ,Konkurencijsko vijeće

je dopisom broj: 01-03-26-040-1-II/09 od 10.11.2009.godine, od Podnosioca zahtjeva tražilo dostavljanje dodatne dokumentacije i detaljan opis činjeničnog stanja i prakse ili okolnosti koje su razlog za podnošenje Zahtjeva, u smislu članka 28. stavka (1) točka c) Zakona. Podnositelj zahtjeva je dostavio Konkurencijskom vijeću u ostavljenom roku, odgovor i traženu dokumentaciju broj 01-03-26-040-2-II/09 od 18.11.2009.godine.

Konkurencijsko vijeće je dana 30.11.2009. godine dopisom broj: 01-03-26-040-3-II/09 Podnosiocu zahtjeva izdalo Potvrdu o prijemu urednog i kompletnog zahtjeva, u smislu članka 28. stavka (3) Zakona.

Stranke u postupku

Stranke u postupku su gospodarski subjekt UNIS «ENERGETIKA» d.o.o Sarajevo, Zmaja od Bosne 14, 71000 Sarajevo, i gospodarski subjekt KJKP «Sarajevogas» d.o.o Sarajevo, Muhameda ef. Pandže 4, Sarajevo.

Gospodarski subjekt UNIS «ENERGETIKA» d.o.o Sarajevo

Gospodarski subjekt Društvo sa ograničenom odgovornošću UNIS «ENERGETIKA», Zmaja od Bosne 14, 71000 Sarajevo (skraćeni sudski naziv firme: UNIS «ENERGETIKA», d.o.o. Vogošća) je registrovan u Opštinskom sudu u Sarajevu pod matičnim brojem: (*), sa temeljnim kapitalom od (*) KM. Pretežne registrovane djelatnosti su proizvodnja termoelektrične, nuklearne i električne energije, distribucija i prodaja električne energije, distribucija i prodaja gasovitih goriva distributivnom mrežom, proizvodnja i snabdjevanje parom i toplom vodom.

Gospodarski subjekt KJKP «Sarajevogas» d.o.o Sarajevo

Gospodarski subjekt Kantonalno javno komunalno poduzeće za snabdjevanje prirodnim gasom «Sarajevogas» d.o.o Sarajevo, Muhameda ef. Pandže 4, 71 000 Sarajevo (skraćeni sudski naziv: KJKP „Sarajevogas“ d.o.o. Sarajevo) je registrovan u Opštinskom sudu Sarajevo (matični broj subjekta: (*), utemeljeno od strane Kantona Sarajevo, sa temeljnim kapitalom (*) KM, i pretežnom djelatnošću: proizvodnja gasa, distribucija gasovitih goriva distribucijskom mrežom; Postavljanje instalacija za vodu, gas, grijanje, ventilaciju i hlađenje; izgradnja objekata niskogradnje; održavanje objekata visokogradnje, niskogradnje i njihovih dijelova.

Pravni okvir predmetnog postupka

Konkurencijsko vijeće u postupku je primjenilo odredbe Zakona, Odluke o utvrđivanju mjerodavnog tržišta («Službeni glasnik BiH», broj 18/06), Odluke o definisanju kategorija vladajućeg položaja («Službeni glasnik BiH», broj 18/06). Konkurencijsko vijeće u predmetnom postupku je uzelo u obzir i odredbe Zakona o komunalnim djelatnostima Kantona Sarajevo („Službene novine Kantona Sarajevo“ br. 31/04).

Zahtjev za pokretanje postupka

Zahtjev za pokretanje postupka je podnesen od gospodarskog subjekta UNIS „ENERGETIKA“, u skladu sa člankom 27. Zakona, radi utvrđivanja, sprječavanja, ograničavanja ili narušavanja slobodne tržišne konkurencije zlouporabom vladajućeg položaja izravnim ili neizravnim nametanjem nelojalnih kupovnih ili prodajnih cijena ili drugih trgovinskih uvjeta kojima se ograničava konkurencija i primjenom različitih uvjeta za istu ili sličnu vrstu poslova s ostalim stranama, čime ih dovodi u neravnopravan konkurentski položaj od strane gospodarskog subjekta „Sarajevogasa“ u smislu članka 10. stavka (2) točka a) i c) Zakona.

Podnositelj zahtjeva, gospodarski subjekt UNIS „ENERGETIKA“, u bitnom navodi sljedeće: Upravni odbor gospodarskog subjekta Sarajevogasa je na sjednici održanoj 02.04.2002. godine donio nezakonitu i pravno neobavezujuću Odluku o utvrđivanju cijene distribucije gasa (u daljnjem tekstu: Odluka) na koju je Vlada Kantona Sarajevo dala svoju suglasnost Odlukom o davanju suglasnosti broj: 02-05-22020-10/02 21. studeni 2002 godine.

Odlukom Upravnog odbora gospodarskog subjekta Sarajevogasa, od 02.04.2002. godine, utvrđuje se prosječna cijena distribucije gasa prema kategorijama potrošača koji su razvrstani u četiri kategorije i to : domaćinstva, toplane, mala gospodarstva i veliki potrošači.

Podnositelj zahtjeva ističe da pomenute Odluke nisu pravno valjane s obzirom da prema članku 23. stavka 5. Zakona o Komunalnim djelatnostima Kantona Sarajevo (u daljnjem tekstu: Zakon o komunalnim djelatnostima), cijenu svih komunalnih usluga određuje i usvaja Vlada Kantona Sarajevo. U ovom slučaju nije ispoštovana procedura predviđena člankom 23. Zakona o komunalnim djelatnostima Kantona Sarajevo, niti je Vlada Kantona Sarajevo ikada donijela pravno obavezujući akt o visini cijena komunalnih usluga gospodarskog subjekta Sarajevogasa, to Podnositelj zahtjeva smatra da gospodarski subjekt Sarajevogas potpuno samovoljno i bez ikakvih kriterijuma određuje veće cijene svojih usluga Podnositelju zahtjeva u odnosu na cijenu koju za iste usluge naplaćuje od gospodarskog subjekta KJKP Toplane“ Sarajevo.

Navedenom Odlukom gospodarski subjekt KJKP «Toplane Sarajevo» je svrstan u kategoriju Toplane čija cijena distribucije gasa iznosi 0,07 KM/Sm³, dok je Podnositelj zahtjeva svrstan u kategoriju Veliki potrošači čija cijena distribucije gasa iznosi 0,20 KM/Sm³, iako Podnositelj zahtjeva obavlja istu djelatnost kao i gospodarski subjekt KJKP „Toplane“ Sarajevo.

Od donošenja Odluke, Podnositelj zahtjeva se nekoliko puta obraćao gospodarskom subjektu Sarajevogas kako bi se uvrstio u istu kategoriju kao i gospodarski subjekt KJKP „Toplane“ Sarajevo, ali se u odgovoru na postavljene zahtjeve gospodarskog subjekta Sarajevogas izjasnio kao nenadležan. Također, Podnositelj zahtjeva se obraćao Ministarstvu prostornog uređenja i zaštite okoliša Kantona Sarajevo koje se oglasio nenadležnim navodeći da člankom 23. Zakona o komunalnim djelatnostima Kantona Sarajevo validnost kalkulacija i konačan prijedlog visine cijene komunalne usluge utvrđuje neovisno stručno tijelo Vlade Kantona Sarajevo, a stvarnu cijenu komunalne usluge određuje i usvaja Vlada Kantona.

Konkurencijsko vijeće je na temelju Zahtjeva, u smislu članka 32. stavka (2) Zakona, na 104. (stočetvrtoj) sjednici, održanoj dana 01.12.2009. godine donijelo Zaključak o pokretanju postupka, broj: 01-03-26-040-5-II/09, protiv gospodarskog subjekta Sarajevogas radi

zloporabe vladajućeg položaja u smislu članka 10. stavka a) i c) Zakona (u daljnjem tekstu: Zaključak).

Konkurencijsko vijeće je dana 01.12.2009.godine dostavilo Zahtjev broj: 01-03-26-040-II/09 i Zaključak broj: 01-03-26-040-5-II/09, u skladu sa člankom 33. stavka (1) Zakona, gospodarskom subjektu Sarajevogas na odgovor.

Gospodarski subjekt Sarajevogas je dostavio odgovor na Zahtjev i Zaključak u ostavljenom vremenskom roku, u smislu članka 33. stavka (2) i (3) Zakona (podnesak broj: 01-03-26-040-12-II/09 od dana 11.12.2009.godine), navodeći u istom sljedeće:

- da je Odluka Upravnog odbora od 02.04.2002 godine pravno valjana i da se zasniva na Odluci o preuzimanju prava osnivača javnog komunalnog preduzeća „Sarajevogas“ od 14.06.1997. godine, dok je Zakon o komunalnim djelatnostima („Službeni novine Kantona Sarajevo“ br. 31/04) počeo da se primjenjuje u odnosu na na ovu odluku 1 godinu i 10 mjeseci kasnije, odnosno 30.12.2004. godine.

- Odluka o utvrđivanju cijene distribucije gasa u stavku 1. točka III potvrđuje da je donijeta na prijedlog Vlade Kantona Sarajevo, a po donošenju dala je suglasnost na istu („Službene novine Kantona Sarajevo“ br. 27/02 od 28.11.2002). Osim toga navode da je do do izmjene osnivačkog akta odlukom Skupštine Kantona Sarajevo od 03.09.2009. godine Vlada Kantona obavljala funkciju tijela upravljanja Skupštine Sarajevogasa.

-navode da je prema važećem Zakonu o komunalnim djelatnostima („Službeni novine Kantona Sarajevo“ br. 31/04) propisano da su komunalne djelatnosti od javnog interesa i da se obavljaju kao javne službe, a da njihovo obavljanje u okviru svojih mjerodavnosti obezbjeđuje Kanton, Grad i općina. Također se ističe da komunalne djelatnosti, ako za to postoje tehnološki i ekonomski uvjeti, istovremeno može obavljati više subjekata koji djeluju posredstvom različitih statusnih i ugovornih oblika, uz suglasnost Kantona, Grada, odnosno općine, uz ispunjenje propisanih uvjeta za obavljanje komunalne usluge o čemu se izdaje odgovarajuće uvjerenje.

Prema navedenom gospodarski subjekt „Sarajevogas“ predlaže da Konkurencijsko vijeće Zahtjev za utvrđivanje zloporabe vladajućeg položaja podnesen od strane gospodarskog subjekta UNIS“ENERGETIKA“, odbije kao neosnovan.

Budući da se radi o postupku sa strankama sa oprečnim interesima, te u svrhu pružanja mogućnosti strankama da se izjasne o činjenicama i okolnostima koje su od važnosti za donošenje konačnog rješenja, Konkurencijsko vijeće je zakazalo usmenu raspravu, dana 22.03.2010 godine, ali je ista na zahtjev stranke u postupku odgođena. Usmena rasprava je održana 15.04.2010. godine na kojoj su stranke istakle sljedeće:

Na usmenoj raspravi podnositelj zahtjeva je ostao kod Zahtjeva i posebno istakao da gospodarski subjekt „Sarajevogas“ svoj diskriminatorni odnos prema gospodarskom subjektu „Unis“ Energetici u odnosu na gospodarski subjekt KJKP „Toplane“ Sarajevo zasniva na proizvoljnom tumačenju Odluke o utvrđivanju cijene distribucije zemnog gasa od 02.04.2002. godine, na koju se u svom postupanju gospodarski subjekt „Sarajevogas“ poziva. Prema tumačenju Odluke, gospodarski subjekt „Sarajevogas“ u kategoriju „toplane“ može svrstati samo gospodarski subjekt KJKP „Toplane“ Sarajevo, iako je iz teksta te Odluke potpuno jasno da se kategorija potrošača „Toplane“ odnosi na sve one koji se bave proizvodnjom i distribucijom toplotne energije krajnjim potrošačima u Kantonu Sarajevo.

Po mišljenju gospodarskog subjekta Unis „Energetika“ za ovakvo postupanje gospodarskog subjekta Sarajevogasa ne postoji zakonski temelj, a pogotovo što gospodarskom subjektu Sarajevogasu nije dato pravo da samostalno tumači tko spada u pojedine kategorije.

S obzirom na gore navedeno, dakle gospodarski subjekt Unis Energetika smatra da gospodarski subjekt Sarajevogas potpuno nezakonito i arbitražno određuje cijenu svojih usluga prema vlastitom nahodjenju i vlastitom tumačenju na koje zakonom nije ovlašten.

Punomoćnik gospodarskog subjekta Sarajevogasa je istakao da ostaje kod odgovora na Zahtjev i posebno naglasio da je Odluka o utvrđivanju cijene distribucije gasa donijeta 02.04.2002. godine, a Zakon o komunalnim djelatnostima je donesen 02.12.2004. godine. Nakon donošenja Odluke, a prije stupanja na snagu Zakona o komunalnim djelatnostima Upravni Odbor gospodarskog subjekta Sarajevogasa je donio Odluku o utvrđivanju posebne kategorije potrošača „specijalni potrošač“ na koju je Vlada KS dala suglasnost pod brojem 02-05-26427-4/04 od 08.12.2004. Ovom Odlukom, pored četiri utvrđene kategorije potrošača uvedena je kategorija „specijalni potrošač“ koja daje gospodarskim društvima koja:

- Godišnje troše 5 miliona kubnih metara gasa
- Gas koriste za odvijanje proizvodno procesa
- Ostvaruju potrošnju u ljetnim mjesecima u istoj ili većoj količini od potrošnje u zimskim mjesecima

Također je naglasio da gospodarski subjekt Toplane Sarajevo godišnje potroše 50 miliona kubnih metara gasa i imajući to u vidu proizilazi da se gospodarski subjekt Unis Energetika ne može drugačije svrstati nego kao „veliki potrošač“ te je suština u tome što je gospodarski subjekt Unis Energetika komercijalno društvo, a gospodarski subjekt „Toplane“ Sarajevo to nisu, nego su utemeljene s ciljem obavljanja komunalnih djelatnosti.

Analiza mjerodavnog tržište

U skladu sa člankom 3. Zakona i čl. 4. i 5. Odluke o utvrđivanju mjerodavnog tržišta mjerodavno tržište se određuje kao tržište određenih proizvoda koji su predmet obavljanja djelatnosti gospodarskih subjekata na određenom zemljopisnom području.

Mjerodavno tržište proizvoda obuhvata sve proizvode koje potrošači i/ili korisnici smatraju međusobno zamjenjivim, pod prihvatljivim uvjetima, imajući u vidu osobito njihove bitne značajke, kvalitet, uobičajnu namjenu, način uporabe, uvjete prodaje i cijene.

Mjerodavno zemljopisno tržište obuhvata cjelokupan ili značajan dio teritorija Bosne i Hercegovine na kojoj gospodarski subjekti djeluju u prodaji i/ili kupovini mjerodavnog proizvoda pod jednakim ili dovoljno ujednačenim uvjetima i koji to tržište bitno razlikuju od uvjeta konkurencije na susjednim zemljopisnim tržištima.

Mjerodavno tržište usluga predmetnog postupka je tržište distribucije zemnog gasa.

Mjerodavno zemljopisno tržište predmetnog postupka je tržište Kantona Sarajevo budući da gospodarski subjekti „Sarajevogas“ i Unis „Energetika“ obavljaju djelatnost na teritoriji Kantona Sarajevo.

Sukladno sa izloženim Konkurencijsko vijeće je utvrdilo da je mjerodavno tržište distribucija zemnog gasa na području Kantona Sarajevo.

Postupak utvrđivanja činjenica

Konkurencijsko vijeće u postupku na temelju dokumentacije prikupljene od gospodarskog subjekta Unis „Energetika“ i gospodarskog subjekta „Sarajevogas“ utvrdilo je sljedeće činjenice:

- Podnositelj zahtjeva je registriran za obavljanje više djelatnosti između kojih je pružanje usluga distribucije i prodaje gasovitih goriva distributivnom mrežom.

-Gospodarski subjekt KJKP „Sarajevogas“ d.o.o Sarajevo je utemeljen od strane Kantona Sarajevo sa ciljem obavljanja komunalnih djelatnosti,

-Gospodarski subjekt KJKP „Toplane“ d.o.o. Sarajevo je utemeljen od strane Kantona Sarajevo za obavljanje distribucije toplotne energije kao komunalne djelatnosti.

-Konkurencijsko vijeće u ocjeni vladajućeg položaja gospodarskog subjekta „Sarajevogas“ d.o.o. Sarajevo je uzelo u obzir članak 9. stavka (2) Zakona, kojim je utvrđeno da gospodarski subjekt može imati vladajući položaj na tržištu roba ili usluga ako na mjerodavnom tržištu Bosne i Hercegovine ima sudioništvo veće od 40,0%, i članak 4. stavka (1) Odluke o definisanju kategorija vladajućeg položaja, kojim je utvrđeno da vladajući položaj u pravilu nije zabranjen, ako gospodarski subjekt svojim postupanjem i djelovanjem ne sprječava, ograničava ili narušava tržišnu konkurenciju.

Konkurencijsko vijeće analizom kriterija utvrđenih u Odluci o utvrđivanju mjerodavnog tržišta je utvrdilo da gospodarski subjekt „Sarajevogas“ d.o.o. Sarajevo ima tržišnosudioništvo od 100% na mjerodavnom tržištu distribucije zemnog gasa u Kantonu Sarajevo, jer jedini ima izgrađenu predviđenu infrastrukturu, te je ocijenilo da gospodarski subjekt „Sarajevogas“ ima vladajući položaj, odnosno monopol na mjerodavnom tržištu distribucije zemnog gasa u Kantonu Sarajevo.

- Kanton, Grad ili općina sukladno sa utvrđenim mjerodavnostima u članku 7., 8. i 9. Zakona o komunalnim djelatnostima obezbjeđuje obavljanje komunalnih djelatnosti putem javnog poduzeća komunalnih djelatnosti i gospodarskog društva (članak 10. stavka 1. Zakona o komunalnim djelatnostima) i samim tim te djelatnosti se tretiraju kao neprofitne djelatnosti, odnosno djelatnosti koje su organizovane u službi građana.

-Sukladno članku 11. Zakona o komunalnim djelatnostima jednu komunalnu djelatnost, ako za to postoje tehnološki i ekonomski uvjeti, istovremeno može obavljati više subjekata koji djeluju posredstvom različitih statusnih i ugovornih oblika, uz suglasnost Kantona, odnosno Grada, odnosno općine u okviru utvrđenih mjerodavnosti u članku 7., 8. i 9. Zakona i koordinaciju ministarstva mjerodavnog za komunalne djelatnosti Kantona, odnosno gradskih i općinskih službi za komunalne djelatnosti, sukladno ovom zakonu.

-Pod komunalnim djelatnostima podrazumijeva se pružanje komunalnih usluga od interesa za fizičke i pravne osobe, te finansiranje građenja i održavanje objekata i uređaja komunalne infrastrukture kao cjelovitog sustava na području Kantona, kao i Grada Sarajevo i općina na području Kantona (članak 2. Zakona o komunalnim djelatnostima)

-Upravni odbor Sarajevogasa je na prijedlog Vlade Kantona Sarajevo 02.04.2002 godine donio Odluku o utvrđivanju cijene distribucije gasa (službene novine Kantona Sarajevo broj 27/02), a na koju je dala saglasnost Vlada Kantona Sarajevo. Ova Odluka se temelji na Zaključku o prodajnim cijenama gasa po tarifnim grupama i kategorijama, Izvršnog odbora grada Sarajeva još od 06.12.1994. godine.

-Navedenom Odlukom o utvrđivanju cijene distribucije gasa je utvrđeno da se prosječna cijena distribucije gasa diferencira prema kategorijama potrošača i to:

R.B	Kategorija potrošača	Postojeća cijena distribucije gasa	Nove cijene distribucije
1.	Domaćinstva	0,08	0,06
2.	Toplane	0,07	0,07
3.	Mala gospodarstva	0,22	0,24
4.	Veliki potrošači	0,20	0,23

-Člankom 23. Zakona o komunalnim djelatnostima je utvrđeno da validnost kalkulacije i konačan prijedlog visine cijene komunalnih usluga utvrđuje neovisno stručno tijelo Vlade Kantona a stvarnu cijenu komunalnih usluga određuje i usvaja Vlada Kantona što je i gospodarskom subjektu UNIS „ENERGETIKA“ pojašnjeno aktom Ministarstva prostornog uređenja i zaštite okoliša Kantona Sarajevo.

-Člankom 23. stavka 7. Zakona o komunalnim djelatnostima je također utvrđeno da ukoliko se cijena komunalne usluge utvrdi u nižem iznosu od stvarne cijene koštanja, razliku sredstava će nadoknaditi Kanton .

- Gospodarski subjekt „Sarajevogas“ je utemeljen od strane Kantona Sarajevo za obavljanje komunalne djelatnosti, kao i gospodarski subjekt „Toplane“ Sarajevo, iz čega proizilazi da su oni kao komunalna poduzeća utemeljeni za obavljanje komunalnih djelatnosti koje su u službi građana. Gospodarski subjekt „Toplane“ Sarajevo plaća nižu naknadu, neekonomsku cijenu, za uslugu distribucije zemnog gasa gospodarskom subjektu „Sarajevogasu“. Kanton Sarajevo gospodarskom subjektu „Sarajevogas“ nadoknađuje razlike u cijeni po kojoj naplaćuje distribuciju zemnog gasa od gospodarskog subjekta „Toplane“ Sarajevo.

- Gospodarski subjekt Unis „Energetika“ se bavi komercijalnom djelatnostima i nema suglasnost od strane Kantona Sarajevo za obavljanje komunalnih djelatnosti u skladno članku 10. Zakona o komunalnim djelatnostima, te skladno s tim nije uvršten u kategoriju potrošača „toplane“ prema Odluci o utvrđivanju cijene distribucije gasa.

Konkurencijsko vijeće je razmotrilo navedene činjenice, pojedinačno i zajedno, u smislu odredbi Zakona, Odluke o definisanju kategorija vladajućeg položaja i Odluke o utvrđivanju mjerodavnog tržišta, i utvrdilo da:

1. Gospodarski subjekt „Sarajevogas“ d.o.o. Sarajevo, svojim postupanjem i djelovanjem ne zlouporabljuje vladajući položaj izravnim ili neizravnim nametanjem nelojalnih kupovnih i prodajnih cijena ili drugih trgovinskih uvjeta kojima se ograničava konkurencija u smislu

članka 10. stavka (2) točka a) Zakona. Nelojalnim cijenama se ograničava konkurencija među konkurentima na tržištu, a u predmetnom slučaju gospodarski subjekt „Sarajevogas“ nema konkurenata, odnosno ima monopol na tržištu distribucije zemnog gasa u Kantonu Sarajevo.

2. Gospodarski subjekt „Sarajevogas“ svojim postupanjem i djelovanjem također ne zlouporabljuje vladajući položaj primjenom različitih uvjeta za istu ili sličnu vrstu poslova sa ostalim stranama, čime ih dovodi u neravnopravan i nepovoljan konkurentski položaj na mjerodavnom tržištu u smislu članka 10. stavka (2) točka c) Zakona jer gospodarski subjekt „Sarajevogas“ vrši distribuciju zemnog gasa po istim cijenama gospodarskom subjektu Unis „Energetika“ i gospodarskom subjektu „Toplane“ Sarajevo. Naime gospodarski subjekt „Sarajevogas“ vrši distribuciju zemnog gasa kako gospodarskom subjektu „Toplane“ Sarajevo tako i gospodarskom subjektu Unis „Energetika“ po istim cijenama s tim što razliku u cijeni koju plaća gospodarski subjekt „Toplane“ Sarajevo kao komunalno poduzeće u skladno članku 23. stavka 7. Zakona o komunalnim djelatnostima, nadoknađuje Vlada Kantona Sarajevo.

Sukladno izloženim Konkurencijsko vijeće je donijelo odluku kao što je navedeno u točki 1. dispozitiva ovog Rješenja.

Troškovi predmetnog postupka

Gospodarski subjekt Unis „Energetika“ kao podnositelj Zahtjeva za pokretanje postupka, dostavio Konkurencijskom vijeću Zahtjev za naknadu troškova postupka, broj: 01-03-26-040-40-II/09 od 28.04.2010. godine u iznosu 7.350,00 KM, na ime troškova pravnog zastupanja.

Imajuću u vidu da je gospodarski subjekt Unis „Energetika“ izazvala postupak, na čiju štetu je postupak i okončan, zahtjev za naknadu troškova gospodarskog subjekta Unis „Energetika“ je odbijen kao neosnovan u smislu članka 105. stavka 2. Zakona o upravnom postupku.

Pouka o pravnom lijeku

Protiv ovoga Rješenja nije dopušten priziv. Nezadovoljna stranka može pokrenuti upravni spor pred Sudom Bosne i Hercegovine u roku od 30 dana od dana primitka, odnosno objavljivanja ovog Rješenja.

Predsjednik

dr. Stjepo Pranjić